

Ասլանը շնորհակալութիւն յայտնեց առաջնորդին եւ, հանելով ծոցից իր ոսկեայ ժամացոյցը, առաջարկեց նրան՝ ասելով.

– Դուք այնքան բարի եք, որ ես կը ցանկանայի թողնել ձեզ մօտ այդ փոքրիկ յիշատակը:

Երիտասարդը հրաժարոեցաւ կամ ձեւացրեց թէ հրաժարուում է, պատասխանելով.

– Շնորհակալ եմ ձեր ուշադրութեան համար, ես երբեք չէի կամենայ գրկել մի ճանապարհորդի իր ժամացոյցից, որը նրան շատ հարկաւոր կը լինի:

– Այդ իրաւ է, բայց համաձայնեցեք, որ ճանապարհորդի ոսկեայ ժամացոյցը շատ հրապուրիչ բան է գողերի համար, ես կը ցանկանայի ազատուել դրանից: Ընդունեցէ՛ք, ինդրեմ, ես ունեմ եւ մի արծաթեայ ժամացոյց, այն էլ բաւական կը լինի ինձ համար:

Առաջնորդը շնորհակալութեամբ ընդունեց: Նրան անսովոր չէր՝ իր մատուցած ծառայութիւնների համար այս տեսակ «փեշքեշներ» ընդունել: Եթէ չտայինք, Նա մինչեւ անգամ պահանջելու անամօթութիւն կունենար: Մանաւանդ փաշայի պատոհի համար, որ մեզ հետ դրել էր իր ամենամօտ մարդիկներից մէկին, պէտք էր նրան որեւէ ընծայ տալ: Բայց այդ տեսակ ընծաները տալիս են այն ժամանակ, երբ ծառայութիւնները վերջացրած են լինում: Չգիտեմ ինչո՞ւ շտապեց Ասլանը: Երեւի նրա համար, որ թուրք պաշտօնատարը չմտածեր, թէ իր ընծան աննշան բան կը լինի, այլ սկզբից ստանալով, անելի եռանդով կը կատարէր իր յանձն առած ծառայութիւնը: Երիտասարդը հենց Նոյն թոպեում սկսեց տեղաւորել իր բաճկոնի վրայ ստացած ընծան. շղթան երբեմն դէպի կուրծքի աջ կողմն էր տանում, երբեմն դէպի ձախ կողմն էր տանում եւ մեծ մտածութեան մէջ էր, թէ ո՞ր կողմում անելի գեղեցիկ կերեւայ: Նա դիմեց իմ խորհրդին, ես յայտնեցի իմ կարծիքը:

Ասլանը այդ միջոցին բարձրացել էր աշտարակներից մէկի գագաթի վրայ եւ այն ահեղ բարձրութիւնից երկար լուռ եւ տխուր կերպով նայում էր դէպի իր շրջակայքը: Նրա դէմքը Նոյն թոպեում գունաթափ էր, աչքերի մէջ վառւում էր խորին տենդային կրակ, շրթունքները դողդողում էին, երեւի սիրտը սոսկալի խռովութեան մէջ էր: Ես բոլորովին ապշած կերպով նայում էի նրա վրա...

Մենք ցած իջանք բերդից միեւնոյն քարէ սանդուղքներով, որոնց մասին Ասլանը ասում էր, թէ մի ժամանակ Գագիկ Արծրունին է տաշել տոռէ, բայց այժմ համարեա թէ իսպառ մաշոած էին: Բերդի ստորոտում, մեր